






C. 66











































2217

LA
SANGLANTE
CHEMISE,
DE
HENRY LE
GRAND.

par le ministre Perusse

THE NEWBERRY
LIBRARY

Case

F

39

.326

1615 *pe*

LA CHEMISE SANGLANTE DE Henry le Grand.

HElas, hélas, faut-il que ie prenne mes cendres pour souffrir vn nouvel assassinat, faut il que mon sang coure pour iamais les carreaux de ceste grande & superbe ville de Paris, l'œil de l'Europe: Faut il que mon fils voye le Louure, & couche dans ma chambre sans sentiment de douleur, de voir les cendres de son pere, & son sang couler par tout, sans volontré de le vanger, cruel siecle, où la mesconnoissance regne, & le vice est en vigueur.

Louys XIII. (-mon cher fils) c'est à vous que ie parle, c'est à vous dont ie me plains, ie tiene long vostre silence tant que vous n'avez peu parler, tant que vous avez esté souz les verges sans ap-
puy & sans soustient: mais à present que vostre Cousin le Prince de Condé la remuë pour vn si piteux office, à present

que vous estes maieur & pouuez commander ; ne rougissez vous point de honte, qu'il vous deuance à la poursuite de ceste vengeance : Au contraire vous luy iettez sur les bras vne armee pour l'opprimer, vous le voulez exterminer, & trouuez iuste de le perdre, comme s'il demandoit vostre Sceptre, & par ainsi c'est me donner loy de croire que vous desirez non de laisser mes os en paix, mais que ie reprenne mes cendres pour encores souffrir vn nouuel assassinat.

I'excusois certes vostre faute sur vostre minorité, & sçay bien que les mauuaises paroles & les rigueurs dont on a usé en vostre endroit vous ont empesché de parler, & vous plaindre de ce qui ce passe au Louure, que le Cheualier de Vendosme vostre frere à esté exilé pour vous en auoir aduertie : mais à present que vous estes Roy & puissant, permettez vous que ie souffre encor vn nouuel assassinat.

Vous me direz (ie masseure) que vous n'y pouuez encor donner ordre, & que vous courez tous les iours la mesme fortune que moy si vous parlez tant soit

5
peu que vous auez esté contraint de souffrir que Conchine ait esté preferé à vous au cabinet de vostre mere, qu'il l'y ait entreteue tant qu'il ait voulu, tandis que vous frapiez honteusement à la porte: bref, que vous n'avez que le nom de Roy, & les autres en font la charge, mais que ne vous seruez vous de vostre cousin, que ne le maintenez vous pour empêcher le trouble qu'on donne à mes cendres, & destourner vn nouvel assassinat?

Vostre mere ne parle que par l'organe de Conchine, & la forciere sa femme. Ce coyon est premier Gentil homme de vostre chambre, maistre de vos thresors, & de vos meilleures villes, & ce traistre Chancelier vend vostre Couronne, & vostre personne à vos ennemis & à vos subjets: & vend la iustice à beaux deniers comptans: ce frippier de commandeur son frere, pour les volleries qu'il a faictes, depuis ma mort s'est faict le plus riche de vostre Estat, cét yuongne de Dolé, & ce loup de Bullion, sont les Conseillers & maquereaux du desordre: d'Espernon tient encores les armes, sous la faueur desquelles le miserable Rauail-

lac m'a mis dans le tombeau : ce sont mes assassins & mes bourreaux, & vous les souffrez pres de vostre persône, vous souffrez qn'ils troublent mes os & mes cendres, & aussi qu'ils osent encores faire vn autre meurtre & assassinat.

Vous avez raison de craindre vostre personne, car si la terreur de toute l'Europe a peu estre assassinee dans la ville capitale de son Royaume ou milieu d'une puissante armee, & au plus beau de ses iours? Que devez vous attendre de meilleur en vne saison si mauuaise, si ce n'est qu'à cause de vostre aage, on vous donne le boucon de Florence, au lieu d'un coup de cousteau.

Mon fils, mon tres-cher cœur, éveillez-vous, prenez pitié du sang de vostre pere, il est encor tout chaut & distillant. Voyez ceste chemise qui en est toute trempee: la France la pleure, vos parens la vengent. Hé! pour Dieu ne demeurez stupide à ceste iuste & sainte demande: Ne soyez ingrat enuers vostre pere, & vous souvenez que son sang crie vengeance devant Dieu.

Mon fils, pour disposer de vostre ame à me faire iustice, & l'avous faire à vous

mesme, arrestez vous ie vous: Contem-
plez? contemplez ceste chemise sanglan-
te, & donnez aux cendres de vostre pere
le loisir de vous raconter ce que vous ne
sçavez point, ou que vous faignez d'i-
gnorer.

Après ma conqueste de Sauoye, &
que i'euz espousé la Royne vostre mere:
ceste sorciere Galahi que i'auois hono-
ree d'approcher & seruir ma femme, à
cause qu'elle est fille d'une sienne nour-
rissse lauandiere de Flocece de son pre-
mier mestier, se rendit si passionnement
amoureuse de ce coyon Conchine, que
vostre mere fut contrainte de les marier
ensemble: & d'eslors on introduisist en
France le boucon: & le premier qui l'es-
prouua fut vn ieune Italien, duquel Con-
chine eust le bien par aubeine: Voila le
commencement de sa fortune.

Mais s'estant approché bien pres de
mon Louure & de ma chambre: & chas-
sé par faux artifices Don Ioan de Medi-
cis vostre oncle, braue Prince, dont ie
regrettay la retraicte: il commenca des-
lors à broüiller mon mariage, & y semer
de la diuision parmy.

M'en estant apperceu, & l'en ayant

trouué l'auteur & la cause, ie luy fis
 sçauoir qu'il eust à sortir de mon Royau-
 me: & d'ellors ma mort fut arrestee, l'ex-
 ecution toutes fois differee iusques après
 le Sacre de la Royne estimans ma mort
 leur estre infractueuse, si c'est acte de
 Majesté n'estoit accomply pour autho-
 riser vne regence qu'on preparoit de
 longue main: & pour ce on pratiqua
 mes secrets ennemis qui se disoient mes
 seruiteus bien fideles, mais c'estoit sous
 des apparences du tout esloignées de la
 iustice & de la raison: & de fait le lende-
 main de ceste ceremonie, on me fit
 traittreusement assassiner dans mon car-
 rosse.

Le deuil & le regret de ma mort fut
 en apparence bien grand au Louure: On
 y entendoit de grands cris, on y vid des
 torrens de larmes pour vne heure seule-
 ment: mais dés aussi tost que mon cœur
 en eust trauersé la court, on fit incont-
 nent vne trefue à ce grand desespoir: &
 cet infidelle & ingrat Chancelier, qui
 estoit pareillement de la conspiration,
 eut eu plus de haste d'enuoyer aux Au-
 gustins l'arrest qui auoit esté faict de la
 nouuele Regence, que de faire recher-
 che

che, n'y plaindre le defastre de ma triste mort.

Tellement que le Parlement espou-
uenté, menassé & intimidé, ayant trop
legerement donné vn Arrest de si grand
poix & de si grande importance au pre-
iudice des Lois de l'Estat : Le trouble
cessa en mon Chasteau du Louure, on y
fit tres bonne chere, tandis que mes
bons & fideles subiects pleuroient : & la
mort du grand Henry n'estoit plus qu'un
miracle du prompt establissement d'une
autre plus nouuelle grandeur.

Mon cœur, qui deuoit estre si precieux
à vostre mere, pour l'honneur que ie luy
auois fait de la rédre compagne de mon
liet, & de mon Sceptre, est consigné
entre les mains de ma meurtriere, & par
eux conduit en triomphe dans la Fle-
che : mes os, le tresor de mon peuple
sont portez à S. Denis, & au lieu d'estre
conduicts par mon sang, avec larmes de
sang, on se contente des larmes de mes
subiects, pendant qu'on considere la ce-
remonie gayement par vne petite lozan-
ge & fenestre vitree que l'on fit rompre
à cet effect, & que sans aucune conte-
nance de dueil, ny tristesse, on void mon

effigie trauffer la cour du chasteau.

On desseigne à l'instant des chambres basses, des petits cabinets, des escaillers secrets, & des ponts leuis pour entrer plus aisément en mon Louure, on ne se monstre plus, tout ce faict en cachette, on y presche vne doctrine nouuelle, les mots de conscience sont introduicts, & le cotton y est en credit pour les delices de la bonne fortune. Accident estrange (mon fils) est arriué en vostre Royaume, pendant cela, c'est (mon tres cher cœur) que vostre mere a esté plusieurs fois malade iusqu'à l'extremité, telle qu'il a esté par fois necessaire de luy ouurir la veine, la seigner le pied en l'eau, empescher les vomisemens qui l'incommodoient, faire cesser d'eseuacuations dont elle estoit fort trauaillee, & rebattre l'esfleure que le trop prendre d'eau luy auoit causé qui la menassoit d'hytropic, tout cela par l'ayde de cet habille Iuif Monthalot Espagnol. Ce miserable qui l'approche, est cause de tant de trauail qu'elle souffre, il a les yeux de basilic, desquels il tuë tout ce qu'il regarde, son haleine est punaise, & son corps tellement gasté que ce n'est plus qu'une sentine de verolle & d'infe-

ction, & ce pendant (mon fils) vous ne
soignez point à la santé & au salut de ce-
ste Princeſſe de qui vous eſtes fils.

Or en ces extremitéz, Conchine qui
medire le haut de la fortune, s'enrichiſt
de vos threſors, ruine entierement vo-
ſtre peuple par ces maudites inuentions,
& veur empieter voſtre Royaume pen-
dant voſtre basaage ſ'il peur, à quoy fai-
re tant de charges, tant de places. tant de
villes, tant d'edifices, tant de benefices,
tant de gournemens, tant de dons,
tant de penſions, tant de pots de vin,
tant de penſionnaires, tant de ſuyuans,
tant d'equipages tant d'hautorité, de
credit, de faueur & de puiſſance, &
pourquoy croyez vous qu'il maintienne
le Chancelier & ſon frere, Dole & Bul-
lion que pour y paruenir? pourquoy
m'auroit il fait aſſaſſiner, empoisonner
voſtre frere d'Orleans, & mon couſin le
Comte de Soiſſons, emprisonner le Duc
de Vendosme voſtre frere, entrepris de
chaffer mon neveu le Prince de Condé,
menaffer villeroy de baſtonnades, & luy
rauir la gloire de la paix, aſſaſſiner le
Duc de Longueuille mon neveu, & feu
Prouille, tyrannifer les habitans d'A-

myens entreprendre sur mon neveu de Guyse, & luy vouloit raïr ce que luy auiez accordé; Bref, de vouloir mettre le feu dans vostre Royaume: que pour s'establiir en vostre place: & pour y paruenir il s'est acquis le Duc d'Espéron, sous promesse de le faire Connestable, mais voyez & renouuez ceste Chemise Sanglante, & considerez s'il est possible que vous prenez vostre chemise en assurance des mains d'un assassin des Roys, & d'un volleur de Couronnes, qui n'a trouué marche plus seure pour y monter, que l'affection & bonne volonté de vos parens, la mort de vostre Pere, & la charge de premier Gentilhomme de vostre chambre qu'il a acquis de vos deniers. Vostre mariage n'est qu'un simple prétexte pour estre maintenu, le Chancelier m'en parla deux ans auant ma mort, & voyant que c'estoit la chose du monde que ie haïssois le plus & que cognoissant qu'il estoit pensionnaire d'Espagne, i'auois resolu de le chasser, il a esté aussi du conseil de mes assassins.

Qui vous y porte, & qui y porte vostre mere si passionnement que l'ambi-

tion qu'ils ont de gouverner & de regner tousiours, & vous tenir sous leur tutelle: vostre majorité leur donne des licences que vostre minorité leur defendoit, on vous entretient en enfance, afin que vous n'ayez aucun mouuement de vostre deuoir, vostre instruction est indigne de vostre aage, & de vostre naissance, & du non que vous portez, aussi c'est ce qu'il leur faut, car si vous veniez à vous cognoistre & à les cognoistre. He, qui les pourra sauuer.

Ils vous tiennent ce pendant en esclauitude, sans que personne vous approche & ne parle on à vous que par leur commandement, les princes mesmes n'osent vous entretenir, la Royne faict ce qu' elle veut, & non ce que vous desirez, d'Espernon ose & entreprend, le Chancelier conseille & seelle, son fils signe, Conchine prend & vsurpe le commandement, volle & brigande, Dollé & Bullion coureur, picoreur, & portent les pacquets, voyez & considerez ie vous prie à qui ma mort a esté vtile, & d'autre part regardez combien il ya d'ames en ce Royaume, qui me pleurent & regrettent tous les iours.

Sous mon regne, auez vous veu ou
ouy dire, qu'on ayt couu sus aux Prin-
ces du sang, ny assassiné personne, auez
vous veu le peuple se plaindre des tail-
les, la Noblesse foulee & opprimee com-
me elle est à present, ma Bastille & mon
Espargne sans argent, & toutesfois i'a-
uois des guerres & des ennemis à com-
battre, des debtes à payer, mon domai-
ne à descharger, des peuples à reduire
sous mon obeyssance, des alliez a secou-
rir & contracter des alliances non: vous
ne l'auiez veu ny ouy dire, aussi i'auois vn
Suiily que vous auez chassé.

De ce temps la corruption estoit ban-
nie de la iustice, & ces gens l'introdui-
sent, mon Conseil estoit composé de
gens de bien & fidelie François, & le
vostre n'est que de cinq ou six pension-
naires Conchinolles Espagnols, ou on
ne scauoit que c'estoit de vendre la Iu-
stice, ny les Arrests, & ceux-cy le font
à beaux deniers comprans: on n'auoit
i'amaï ouy dire que les Chefs de Parle-
ment, fissent des Arrests contre les Prin-
ces du sang de France, & cela est à pre-
sent en vsage Bref, sous mon regne tout
estoit bien, & sous le vostre tout est mal,

& à tout cela ferez vous stupide & sans
 sentiment, vostre cousin mon cher ne-
 ueu en est en campagne, le voila qui por-
 te ma chemise sanglante, qu'il arboie à
 la veue de tous costez avec ceste chemi-
 se. **FRACNE VINGE LA MORT DE TON**
ROY : Rebroufsez mon fils, rebroufsez
 chemin, retournez sur vos pas : Soyez
 protecteur des iustes armes de vostre
 cousin, faictes voir à tout le monde que
 vous estes fils du grand Henry, vengez le
 sang de vostre pere, donnez paix à mes
 os : & ne permettez que ie souffre vn nou-
 uel assassinat, par les armes qu'on vous
 veut induire de prendre iniustement cō-
 tre les autres Princes vos parés, qui l'as-
 sistent contre tant de Ducs, Pairs & Of-
 ficiers de la Couronne, grands Seigneurs
 Ecclesiastiques, Gentils-hommes, Vil-
 les, Communautéz, & tous autres vos
 subiects qui le suivent, tant d'une que
 d'autre Religion, qui sacrifient leur vie
 pour venger la mort de leur Roy. Adieu
 mon fils, & pensez à ce que ie vous dis,
 car si vous auez des yeux, & des aureil-
 les, vous le cognoistrez & l'entendrez.

Amen.

